

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

1. **Timelæret ilinniarteqqinneqarnissaat eqqarsaatigalugu qanoq Naalakkersuisut tamatumunnga pilersaaruteqarpat?**
2. **Naalakkersuisut pilersaaruteqarnerlutik timelæret nunatsinniittut tamaasa ilinniartinneqarnissaannik?**
3. **Timelæret kalaallisuinnaq oqaaseqartuusut qanoq Naalakkersuisuniit periarfissinneqarniarpat?**
4. **Timelæret ilinniarteqqinneqarnissaannut atuakkat atorneqartussat kalaallisut nutserneqarnissaat eqqarsaatigalugu qanoq Naalakkersuisut tamatumunnga aningaasaliiniarpat?**
5. **Naalakkersuisut takorloorpaat timelærenik ilinniartitseqqilerunik AD-mik, matsermik, candidatimullu ilinniaqqissimasunik atorfilinnik ilinniartinneqarnissaat? Atortussaataat naammappat?**
6. **Naalakkersuisut timelæret ilinniarteqqinneqarnissaat eqqarsaatigalugu aningaasaqarnermi inatsimmi qanoq annertutigisumik aningaasaliiniarpat?**

(Inatsisartunut ilaasortaq Jens Napātôk, Partii Naleraq)

Tunnngavilersuutit:

Kalaallit Nunatta sineriaani illoqarfinni nunaqarfinnilu tamani atuartitsisut ilinniarsimangitsut atorfeqartinneqarput meeqqat ilinniaqqinnissamut piareersarnissaat akisussaaffigalugu. Qinikkat atorfilittallu pisussaaffigaat meeqqat pitsaanerpaamik periarfissaqarnissaat isumannaarniassallugu, meeqqat pisinnaatitaaffiit naapertuuttumik sinaakkusiinikkut. Illoqarfinni nunaqarfinnilu isorliunerusuni maannamut atorfilittat inissaqarniarnikkut atukkat taama isikkoqartillugit naatsorsuutigineqarsinnaanngilaq ilinniartitsisunik ilinniarsimasunik kajumingineqassasoq.

Kissaatigaara apeqququma piffissarititaasut ullut sulliviit qulit iluanni akineqassasoq.

Inatsisartunut ilaasortaq Jens Napātôk

Imaneq 1, Postboks 4120, 3900 Nuuk, E-mail.: jnapp@inatsisartut.gl Nittartagaq.: www.partiinalleraq.gl
Oqarasuaatit.: +299 34 50 00 Toqqaannartoq.: +299 34 62 30 Angallattagaq.: +299 25 88 66